



Broj: T01 0 KT 0042907 23
Bihać, 17.07.2024. godine

KANTONALNI SUD U BIHAĆU
- Sudiji za prethodno saslušanje -

Na osnovu odredbe člana 45. stav 2. tačke i) i odredbe člana 241. stav 1. Zakona o krivičnom postupku FBiH (u daljnjem tekstu ZKP) podižem:

OPTUŽNICU

PROTIV:

Jusić Rasima, rođen 1963. godine u mjestu Konjodor, općina Bužim

DA JE

1. Dana 09.03.2023. godine oko 09,00 sati u ulici 505. Viteške brigade, općina Bužim na parking prostoru benzinske pumpe "Kov-Grad" Bužim, zbog ranijih loših odnosa sa J. S., kada je vidio da J. S. prilazi svojim putničkim motornim vozilom marke VW "S." isturio je svoju nogu prema dijelu ceste kojom se kretao oštećeni u namjeri da ga zaustavi pa kada je J. S. zaustavio vozilo i izašao iz vozila između njega i Jusića Rasima je došlo je do kraćeg verbalnog i fizičkog sukoba, nakon čega ga je osumnjičeni pošpricao suzavcem u predjelu očiju i lica, pa kada je J. S. krenuo da se vraća unazad prema svom automobilu, Jusić Rasim je svjestan da istog može lišiti života i htijući to iz džepa jakne izvadio pištolj ručne izrade takozvani "nimac" i ispucao jedan hitac u pravcu J. S., a zatim ispraznio pištolj i izbacio čahuru iz istog, stavio drugi metak u cijev pištolja, a u daljem pucanju ga je sprječio V. R. držeći ga za ruku u kojoj je držao pištolj, kojom prilikom je J. S. usljed dejstva spreja suzavca zadobio tjelesne ozljede u vidu povrede lijevog oka u vidu krvarenja u očnu ovojnicu, a usljed dejstva udaraca po glavi i tijelu zadobio povrede u vidu krvarenja nosa, dok je usljed dejstva ispaljenog metka u tijelo J. S. zadobio tjelesne ozljede u vidu povrede obje sjedalne regije i desne natkoljenice u vidu strijelnih rana, što sveukupno čini laku tjelesnu ozljedu

Dakle pokušao drugog usmrtiti

2. Dana 09.03.2023. godine oko 09,00 sati u ulici 505. Viteške brigade, općina Bužim ispred benzinske pumpe "Kov-Grad" Bužim, suprotno odredbi člana 7. stav 1. Zakona o oružju i municiji USK (Sl. glasnik br. 15/21), iako svjestan da je zabranjeno držanje i posjedovanje oružja bez odgovarajuće isprave o oružju, bez odgovarajuće isprave o oružju posjedovao i nosio vatreno oružje kratku pušku ručne izrade tzv. "Kubura" ili "nimac" i 6 (šest) komada patrona

kalibra 16mm, a što je i htio, koje oružje je prema članu 6. stav 1. tačka b) istog zakona svrstana u kategoriju B oružja – oružja za koje je potrebno odobrenje

Dakle, bez važeće isprave o oružju nabavio, posjedovao i držao i nosio vatreno oružje i municiju za oružje kategorije B za čije držanje i nošenje je potrebno odobrenje nadležnog organa

Čime bi počinio krivično djelo iz člana 166. stav 1. Krivičnog zakona Federacije BiH "Ubistvo", a u vezi sa članom 28., a sve u vezi članom 54 Krivičnog zakona Federacije BiH (pokušaj) u sticaju sa krivičnim djelom Neovlašteno nabavljanje, posjedovanje, držanje, nošenje, trgovina, popravlanje, modifikacija ili prepravlanje i posredovanje oružjem, bitnim dijelovima i municijom iz člana 73. stav 1. tačka a) Zakona o oružju i municiji USK („Službeni glasnik USK“, broj 15/21)

Prijedlog dokaza koje treba izvesti

1. (...):

2. (...):

3. (...):

4. (...):

Predlažem da Kantonalni sud u Bihaću na osnovu odredaba iz člana 71. tačka e) i člana 78. stav 1. Krivičnog zakona FBiH prema osumnjičenom Jusić Rasimu izrekne sljedeću:

SIGURNOSNU MJERU oduzimanja predmeta

Od osumnjičenog Jusić Rasima oduzima se ručno izrađenog oružja tzv. kubura i 6 patrona kalibra 16mm i crna bočica sa sadržajem suzavca, a koji predmeti su upotrijebljeni prilikom izvršenja navedenog krivičnog djela, i isti se po pravomoćnosti presude trebaju uništiti u skladu sa posebnom odlukom suda.

REZULTATI ISTRAGE

Dokazi koji potkrepljuju navode optužnice

KANTONALNI TUŽILAC